



Arubaanse Courant

Anja 26.

No. 5176.

PRESIDENT DI BOLIVIA A HUI DEN UN AVION MILITAR

LIDER DI REBELDENAN A MENASA DI BAI LA PAZ

LA PAZ, 5 nov. - President Victor Paz Estenssoro di Bolivia, a hui awe huntu cu su colaboradornan mas acerca den un auto blinda, segun informenan pa Peru. Asina e radio emisora Boliviano, radio Continental a participa. Emisora oficial di estado no ta transmiti. E palacio presidencial ta ocupa riba orden di general ainda, comandante di ehercito. E principal departamento di polis den e capital a apoya e revolucion.

President Estenssoro a hui dos ora prome cu e armisticio cu e militarnan rebelde lo atermina. E lider di e rebeldenan a menasa ayera noch cu nan lo bai La Paz si president Estenssoro no retira prome cu e armisticio transcuri. Gobierno a bisa ayera noch cu e vice-president di e pais, general Ortuno ta dirigi e revolucion.

Ora cu president Estenssoro a bandona e palacio etabata musta malu. E minister di interior, Humboldt Barrero, cu a companje, a bisa periodistanan, cu un cara rabia: "Nos ta bai inspecciona nos posiconnan".

Den barrio Miraflores tin brin-gamentu entre ehercito cu ta bayendo den direccion di e capi-

tal y militarnan cu ta apoya Estenssoro.

Parce cu e generalnan Ugalde y San Roman a dispare den un avion cu destino conoci, mientras cu e emisora "catolica fides" ta anuncia cu president Estenssoro

soro tambe a hui den un avion militar.

Prome cu su salida president Estenssoro a forma un junta militar cu lo goberna e pais. E revolucionarionan tin Cochabamba na 80 km di La Paz den nan man, y nan radio a anuncia cu e vice president general Rene Barrientos Ortuno a wordu nombra hefe di un comite popular nacional revolucionario.

Den nomber di ehercito dos coronel a anuncia cu e president a wordu baha. E avion militar den cual Estenssoro a hui a pidi permit pa baha riba territorio Chileno y probablemente e lo baha ne aeropuerto di Arica na 2.500 km na noord di e capital Chilenjo cerca di frontera Peruano. Nan a los algun tiro riba

palasio di gobierno caminda tabatin algun victima. E cajonnan di e capital ta bashi y tin e impresion cu e trupanen fiel na gobierno lo wordu derota. Radio catolico Fides a pidi pa evita dramamentu di sanger.

Segun noticianan no confirma general Orvando Candia tin e poder den su man. El a ordena pa

Bancarote di "Olde Molen" a worde pidi

ORANJESTAD, 5 Nov. - Ayera mainta a worde trata den e sala di raad na Oranjestad e peticion pa declaracion di Bancarota di e restaurant Olde Molen. Manera ta conoci e restaurant aki basta tempo caba ta cera y awor parse un di e personanan cu tin di ricibi un of otro pago di e empresa a pidi e bancarota di esaki. Huez a priminti di duna su declaracion dentro di ocho dia.

Ultimo cifranan di eleccion na Merca

E resultado final dje eleccion Mericano alfin ta conosi. Arizona e estado natal di senador Goldwater tabata pro Goldwater. E candidato republicano a obtene inclusive e cinco votonan electoral di Arizona un total di 52 voto, contra president Johnson cu 486. E resultado aki te ultimo cu a worde publica. E otro cinco estadonan, caminda Goldwater a gana e lucha di eleccion tabata, Alabama, Georgia, Louisiana, Mississippi y Sur Carolina. E stipulacion definitivo dje resultado di eleccion Mericano ta un asunto masha largo. Tambe e eleccion pe camara completamente renoba di delegadonan pe partido democratico a bira un exito, e camara cu ta retira di 435 delegado tabata 257 asiento democratico contra 178 pe republicanonan. Ora cu e resultadonan pa 423 asiento tabata conosi e democraatnan yatabatin 286, contra 137 pe republicanonan.

Den senado cutin cien miembro dicua 35 meste worde reemplasa e situacion a keda kasi mesun cos. Tambe e eleccionnan pa gobernadornan nobo pa 25 e dje 50 estado nan no a worde somete na ningun cambio. E relacion cu

tabatin di 34 gobernador democraat y 16 republicano no a worde somete na ningun cambio.



Di transito na Aruba, tabata ministro di exterior Hulandes y señora mr. J.M.A. Luns cu avion di Panam di ayera merdia el a yega for di Trinidad pa despues di mei ora sigui su biaha pa Miami. Na aeropuerto señor Luns a worde encontra pa gezaghebber O.S. Henriquez, secretario interino di territorio insular A. Booi, comandante di mariniers na Aruba señor A. Graaf y hefe di departamento di aviacion señor C. Heemskerk. Ariba e foto nos ta mira e momento cu ministro Luns ta regresa avion pa sigui su biaha. Di robez pa drechi ta señornan Heemskerk, Booi, minister Luns, gezaghebber Henriquez y commandante Graaf net tras di señora Luns.

evita cada violencia y drecha e situacion den e pais. Segun radio "Catolica Fides", Estenssoro a hui huntu cu e generalnan Rivas Ugalde y Claudio San Roman, respectivamente hefe di e comite politico nacional di e movimiento nacional revolucionario y hefe di e polis politica den un avion militar.

Oficialmente a keda anuncia cu president Paz Estenssoro a renuncia presidencia di e republica pa evita dramamentu di sanger. General Alfredo Orvando Candia a anuncia esaki den un mensahe pa radio. Oficialmente a keda anuncia cu vice president general Barrientos y staf revolucionario ta spera na La Paz, caminda e lo tuma direccion di gobierno. Tabatin un bringamento serio dilanti e edificio di telegraaf na La Paz. E defensornan a rendi pero estudiant y civilnan a sigui cu tifamentu. Kasi tur caminda den e ciudad tabatin violencianan.

General Alfredo Orvando Candia a anuncia, cu e ta tuma e presidencia di e junta militar. E gobierno militar nobo lo keda na poder te ora cu nan tene eleccionnan nobo, segun cu el a anuncia.

FATUM

Pa tur bo aseguranan
Tel. 1845.

Tsoe en Lai pa Moscu

PEKING, 5 nov. - Premier Tsjoen Lai lo dirigi e delegacion Chines cu lo bai Moscu na ocasion di e 47 aniversario di e revolucion di oktober. Asina e agencia di prensa Nueva China ta anuncia.

E CIGARIA COE AROMA
DI TABACO RICO



• Den becindario di Adana na Turquia 15 obrero a muri y 30 ta herida ora cu e truccendua e tabata a bolter, segun e agencia Frances di prensa a anuncia.

PA BO SATISFACCION



Awe mainta Miss Aruba, srta. Mary Croes a sali for di Aruba pa Londres caminda e lo participa na e concurso di belleza pa titulo di miss World. Na aeropuerto despedida a worde tuma for di dje door di su famia naturalmente, amigonan, conocirnan, alavez señor S. Newton na number di KLM cu a duna srta. Croes mitar di e pasashi gratis, señor O.S. Hesla, como hefe di marketing departement di Esso na Aruba, señor Watty Chai di toeristenbureau, señor Milo Croes como presidente di comite central di carnaval 1964, e comite di damas cu ta percursa pa srta. Croes lo no falta di nada pa representa Aruba na Londen, e Esso dealernan. E foto aki riba ta muestra nos Mary Croes entre famia, amigo y conocirnan tumando despedida di dje.

FE LICITACION Y COMENTARIO RIBA ELECCIONNAN MERICANO

DEN HAAG, 5 Nov. - E senador republicano Kenneth Keating a felicita Robert Kennedy cu su victoria den e estado New York. Robert Kennedy lo representa e estado den senado y e senador Jacob Javits tambe.

Canciller Erhard di Alemania Occidental a bisa cu profundamente e ta desea Johnson tur cos bon cu su victoria y bendicion di Dios na eheucion di su tarea. El a declara cu e ta sigur cu e president den sercano futuro lo haci contacto cu e aliadonan Europeo di Merca cu e fin pa huntu cu nan stipula e rumbo politico di e pueblonan liber. Willy Brandt, president di e partido socialista na Alemania y alcalde di Berlin Occidental tambe a expresa su felicitacion. El

a bisa cu e ta convenci cu e president lo haci tur cos pa defende union y libertad di occidente.

Radio Moscu a duna un comentario corticu riba e resultado di eleccion. Johnson a logra un victoria aplastante cu a surpasa calculonan di e demócratan. E grupo electoral di Merca pues den un mayoria absoluto a vota pa un politica mas modera y mas husto. Door di esaki e programa di e senador extremo, Goldwater a worde rechaza. Asina Radio Moscu a bisa.

New York Times a scirbi den su editorial cu e pueblo Mericano a laga ripara claramente cu e kier sigui construi na e caminda di compresion internacional y progreso interino. Pa partido republicano e resulta-

do ta mas o menos un desastre.

New York Herald Tribune a scirbi: "President Johnson a obtene un victoria absoluto, cual en bista di e alternativa, tabata sumamente necesario.

Washington Post a opina cu pueblo Mericano a eligi Johnson pasobra e tin confianza den e sistema, den cual e ta acerca e problemanan interior y exterior.

GOLDWATER TA ADMITI DEROTA

PHOENIX ARIZONA, 5 Nov. - Senador Barry Goldwater na un conferencia di prensa na Phoenix Arizona, a admiti su derota den eleccion di president.

Goldwater a bisa di no ta amarga o rencor. El a manda Johnson un telegram den cual segun tradicion Mericano el a reconose su derota y a felicita e president. El a alenta su partidaronan y a bisa, cu partido republicano meste keda un partido di oposicion. Nos tin un trabao di haci, segun el a bisa. Goldwater, cu no tuma parti ne eleccionnan pa senado, a ripara cu na januari e lo no tin trabao. Pero lo mi lo tin hopi trabao pe partido republicano, segun el a bisa.

EXPORTACION MERICANO

WASHINGTON, 5 nov. - Casa Blanca a anuncia, cu e exportacion Mericano na september te ainda a alcanza e cantidad desconosi di 2,3 millard dollar. Dene prome 9 lunanan dje anja aki e exportacion tabata por medio 2,1 millard pa luna. Esaki ta 14,5 porciento mas cu den e periodo en acuerdo di anja pasa.

VICE-ALMIRANTE HELLMUTH HEYE A PIDI SU RETIRO

BONN, 5 nov. - E homber di confianza di forzanan di guerra den bondsdag di Alemania Occidental vice almirante Hellmuth Heye, a pidi e president di Bondsdag Gerstenmaier su retiro. E president dje comision di defensa den bondsdag, Jaeger, algun dia pasa a exigui retiro di Heye, pasobra esaki a bisa periodistanan di exterior di kier un ehército profesional. Heye, foi algun tempu ca-ba ta somete na critica. E verano aki, el a critica den un serie di articulonan den un revista e direccion di forzanan di guerra. E peticion di retiro dje vice almirante di 69 anja a keda acepta y e lo baha pa prome di april di



Deliciosamente Refrescante



PA
TRABAO
DIFICIL

Prijs especial pa tallier.

DANYO GRANDI NA ENSCHEDE PA CANDELA

ENSCHADE, 5 nov. - Cincu hal di produccion di e empresa di isolacion y asbest Gebroeders Kooy na Enschede a worde destrui pa candela. E danjo ta worde calcula na algun millon florin. E produccion a worde paralisa practicamente completamente. Solamente e depositonan y algun otro parti di e empresa por a worde salba. Pero e officinanan mester a worde bandona y un parti di e archivo a bai perdi.

GANGA

15% di rebaha riba stock completo, articulonnan pa damas, - surtido completo di loke un baby mester y panjapa caballeros.

PEOPLES STORE

TA BENDE

Cas y terreno na:

Venezuelastr. No. 4 319 m2

Neptunestr. No. 5. 347 m2

Windstr. No. 13 522 m2

Byronstr. No. 15. 580 m2

Sabaneta No. 514 440 m2

Bernardstr. No. 69 302 m2.

Telefoon 1 2 3 2.

MAAKT ASTMA SLIJM LOS terwijl u slaapt

Moeilijk ademen, kuchen, proesten en kortademigheid, te wijten aan herhaalde aanvallen van bronchiale astma en bronchitis kunt u snel en gemakkelijk bestrijden met versterkte MENDACO. Helpt u snel als u ergens allergisch voor bent, ontspant de luchtpijpen en helpt het dikke, verstikkende slijm zich te verwijderen. Gewoonlijk ver-gemakkelijk het 't ademen snel, bedaart het 't hoesten en doet u uiteraard beter slapen. MENDACO is verkrijgbaar in de botica. Het kan ook U helpen!

ST. GERARDUS CURSUS, AFD. ARUBA

Onze nieuwe cursus Verkoopkunde vangt aan op maandag 9 november om 7 uur n.m.
Nieuwe cursus Engels vangt aan op 10 november om 6.30n.m.
Aanmelden: Schriftelijk P.O.B. 166 Oranjestad, Telefonisch: 3137, 3268 of 5365.

COURTESY

+

CARE

+

SEGUROS CARACAS

=

COMPLETE ROAD

PROTECCION

Panam ta elogia Aruba como :

"One of world's great shopping centers"

ORANJESTAD, 5 Nov. - Un circulario recientemente publica door di Pan American World Airways cual ta worde reparti entre tur instancianan cu tin algo di haci cu industria turistico, ta completamente dedica na Aruba. Na promer lugar atencion ta worde hala ariba e conexionnan di Panam cualnan ta pasa via Aruba, caminda especialmente e atencion ta worde pone tambe ariba e nonstop flight di Aruba - Miami vice versa. Despues di muestra cu Panam tin ocho vuelo pa siman entre New York y Aruba., locual ta mes hopi cu entre New York y Curacao, ta worde bisa cu Aruba su Palm Beach ta "One of the finest in the West Indies".

E circulario ta continua: "Like Curacao, Aruba is one of the world's great shopping centers. Because of its low import duty, shops feature bargains in merchandise from Europe, the Orient and South America. Just a tiny speck in the Caribbean less than ten years ago, Aruba has be-

come a major winter resort, as jets have made the island readily accessible to populous north and South American cities".

A GRADUA PA BENDEMENTU

ORANJESTAD, 5 Nov. - Pa e examen di bendedo a gradua ultimamente e siguiente alumnonan di St. Gerardus Cursus: E damanan R. Amaya, E. Querero, I. Kock, M. Maduro, R. Tromp, M. Ras, H. Henriquez y H. Weller tambe e caballeronan E. Crool, R. Flanegin y F. Franken. E mihor graduado ta senyor Franken, kende ta traha na Mire; Stoer. Sra Ras a resulta e mihor paketaador, kende a hanja e cifra diez pa e parti aki di bendemento.



"SANTA PAULA" y "SANTA ROSA" bapornan

• moderno di **GRACE LINE**, semanalmente ta trece turista y carga pa nos isla.

*Usa e servicio eficiente di **GRACE LINE** biaha via **GRACE.**

Agente:

EMAN TRADING CO. INC

Oficina tel: 1156-1554-

5054-5055

Dock tel: 2135



Habitantenan di Californie na fa bor di descriminacion racial

SAN FRANCISCO, 5 Nov. - E eleccion den e estado Mericano Californai a aproba un amandamentu riba consittucion, door di cual e legislacion existente contra descriminacion riba terreno di establecimentu ta perde vigor y door di cual ta worde haci imposibel pa e organo legislativo na California den futuro acepta projectonan di ley contra descriminacion riba e terreno ey.

Lidernan di e campanya pa igual derechonan civil a bisa cu e aprobacion ta desastroso y juristanan prominente a bisa cu esey ta e paso mas radical riba terreno legislativo den recien historia di Merca. Segun nan ningun estado Mericano, hasta ni Mississippi, tin un constitucion cual ta duna favorecedor nan di separacion racial cierto privilegianan.

E mandamento a haya apoyo fuerte di 40.000 miembro di e

sociedad di California di donjonan di terreno y edificio y un otro sociedad. Ambos organisacion a hiba un campanya pa aprobacion di e amandamento, na cual practicamente tur republicanonan derecho di e estado y e lidernan di e sociedad extremo derecho di John Birch a duna nan cooperacion. E amandamento ta duna tur donjonan di cas na California e derecho pa nan mes scohe nan cumprador of huurdonan.

E gobernador di California,

Edmund Brown, tur lidernan importante di partido democratico, republicanonan modera, e principal iglesianan, e federacionnan y agrupacionnan di comerciantenan a expresa nan mes contra e amandamento, conoci como "proposicion 14." Ya gobernador Brown a laga sa caba, cu e tin miedo pa un violento lucha racial na California si e amandamento lo worde acepta. E adversarioman di e proposicion a muestra cu e federacion nacional di donjonan di terreno y edificionan a usa California como prueba y cu awor nan lo cuminsa cu pruebanan den otro estadonan cu e mesun intencion. Entre tantu corte supremo di California a laga sa cu e ta duda seriamente di validez di e medida. Ta worde calcula cu e corte lo actua rapidamente y lo stipula cu e amandamento ta contra di ley federal.

RAPPORT SOESLOV OVER DI RETIRO DI CHROESJEF

MOSCÚ, 5 Nov. - E agencia di prensa "Tass" a bisa cu un rapport cu segun e semanario taliano L'Espresso a worde raha en conexion cu retiro di Chroestjev door di e secretario li e comite central, di partido oeslov, ta un falsificacion.

Den e rapport nan a menciona lgun falta di e ex lider Ruso. E intento di e falsificacion ey tabata egun Tass pa trece un desunion en e relacionnan amistosa di Union Sovietica cu otro paisnan.

..... bo no kier pa calor molestiabo?



Anto ta casi sigur cu bo lo ta un di e hendenan sabf, kende lo haci uso di alrecondition pa mantene bo cas cu un temperatura fresco y agradable tur dia.



Critica energica di premier Wilson

LONDEN, 5 nov. - Ex-premier Douglas - Home den camara de los lords a ehecuta critica energico riba e programa di e gobierno nobo di Labour, manera esey a worde anuncia den e discurso di trono y riba e medidanan economica cu a worde tumada recientemente.

Douglas Home a oponer su mes contra e intento pa nacionalisa industria di staal.

E tumult a cuminsa directamente ora cu premier Wilson a califica un delegado conservativo co-

mo un lepros pa motibu di su lemanan di eleccion tocante hendenan di colo cu a imigra.

El a acusa Douglas Home di no a distancia su mes di e campanya racial di su amigu di partido. Despues di esey a sigui un combersacion di algun minuut den oposicion.

E president a deplora cu e palabra "lepros" a worde usa pero e no por bisa si e ta un palabra no parlamentario e ta sin precedente.



E foto aki riba ta muestra nos con mas o menos teatro di Seri Noka lo bira. Na man drechi nos ta mira e tribuna cual na e momento aki ta cerca di worde finaliza. E trabao na e teatro aki na aireliber ta worde haci door di werkverschaffing cual endudablemente den e caso aki, ta haciendo algo bunita pa cultura di Aruba. Pues dia diez dos venidero ta intencion di Mascaruba, e grupo di comedia Arubano, pa presenta un kerstspel den e teatro aki.

SHOW "HITS OF BROADWAY" ALEGRE YEN DI VARIACION

ORANJESTAD, 5 nov. - Dialuna ultimo a tuma lugar den Klompen Klub di Aruba Caribbean Hotel, e inicio di un show nobo.

E number di e show aki ta "Hits of Broadway". Den esaki cuatro caballero hoben y cinco mucha muher ta presenta un programa di cancionnan, baile na un manera humoristico, alegre y sumamente rapido yen di variacion. Y enberdad ta presentacion di varios tophit for di musicalnan di Broadway ariba cual señor Robert Simpson, regisor y choreograaf a pone un accento.

Señor R. Boldon, "company manager" a bisa nos cu "Hits of Broadway", lo keda algun luna akinan y cu alavez no ta imposibel cu en futuro, pa varios aña Aruba Caribbean Hotel lo keda presenta shownan di Robert Simpson.

Na Puerto Rico ya pa mas o menos dos aña tin show di R. Simpson cualnan ta un gran éxito.

Na Aruba e grupo lo presenta tres diferente show, asina ta cu diferente anochi lo tin diferente show pa mira den Klompen Klub. E intencion ta pa mas o menos den mitar di e temporada turistico bolbe trece algun otro programa, pa tene variacion den e presentacionnan. Y segun ta worde spera, cu si un contract worde sera entre Simpson y Aruba Caribbean Hotel, por spera cu e grupo actual worde remplaza door di un otro grupo di Simpson. Pues e caballero aki tin varios gruponan di show. E grupo cu actualmente ta actua den Klompen Klub ta consisti di e damanan Terry O'Mara, Carol Petrie, Bonnie Sanders, Eilene Sarafis y Erica Rehm. E caballeronan ta Steve Jones, Jimmy Marches, Oscar Sorbon y Frank Jordana, kende na su edad di diez aña ya a actua den un nightclub. Oscar Sorbon ta e unico extranhero entre Mericanonan, e ta un Argentineru y por ehemplo a presenta un baile solo cu Carol Petrie. E programa di dialuna anochi den Klompen Klub yen di turista y poco publico local a worde habri cu "Just in Time" for di e musical "The Bells are Ringing".

Den e programan di baile yen di variacion y cu saltonan ariba bao masha rapido tur e cooperadornan ta worde presenta. Despues ta sigui e numero "The pajama game", sigui pa "You gotta get a gimmick" for di "Gipsy", "The game" di e musical "Damn Yankees" y varios otro mas. E numero final "Hello Dolly" conocido cancion for di musical cu e mes un titulo. Un presentacion cu a ricibi hopi atencion e prome anochi aki tabata e blondina Terry O'Mara ken a luci tremendisimo cu e cancion "Honestly Sincere" cual a worde e presenta pa Frank Jordana. Asina varios di e artistanan den

e show aki di un of otro manera a mostra cu nan ta artista cu promer a caba college y despues a bai un of otro school pa artista. Cu tur respecto pa e bunita presentacion di e show y e varios numeronan yen di variacion nos no por laga di bisa cu tabata tin algun fallo chikito. Por ehemplo asina nos a hanja cu e aria di "Madam Butterfly", no tabata pertenece den e show aki, tambe tabata tin poco contact entre e publico y e grupo. Pero loke ta menos apreciable di e show tabata e cierto movecionnan cu curpa cualnan a tuma lugar den cierto parti di e show y cualnan segun nos no ta pas den un nightclub di calidad manera Klompen Klub.

PICASSO PA AMSTERDAM

AMSTERDAM, 5 nov.- Despues di Rotterdam tambe Amsterdam lo hanja un estatua Picasso. E estatua lo ta seis meter altu basha di beton dorna graficamente cu lo hanja un luga den Vondelpark. E obra lo forma parti di un exposicion internacional di estatuanan cu lo ser tene otro anja en ocasion dje aniversario di cien anja dje parque aki.



Aki riba un momento interesante for di "Hits of Broadway", e show cu momentalmente nos por mira den Klompen Klub. Nos ta mira Frank Jordano y Bonny Lee - Sanders ta canta un duet.



Embahador Hulandez nobo

MONROVIA, LIBERIA, 5 nov.- Hendrick Junker, e embahador Ulandes nobo den capital Liberiano Monrovia a entrega presidente Tubman su cartanan credenciales. E president ne ocasion aki a bisa di ta spera, cu e relacionnan Ulandes Liberiano, lo wordu fortifica riba terreno economico, tecnico y cultural.

Frei a hasi yamamentu riba paisnan di EEG

HILVERSUM, 5 nov. - E president nobo di Chili, dr. Eduardo Frei dia di su instalacion a haci un yamamentu riba e paisnan di EEG via di e emisoraan di Wereldomroep na Ulanda, pa participa na un aceleracion di e proceso di desarrollo na America Latino door di yu-

danza tecnico, financiero y social.

President Frei tabata di opinion, cu e progreso economico y social lo mester worde eleva na un tarea nacional.

E lo crea, si haya un reparto exacto di e riquezanan nacional, e posibilidad pa consolida democracia den e parti aki di mundu.

President Frei a expresa e speranza, cu e voto di America-Latino y Chili lo penetra na Europa, pasobra muchu biaha ainda ta resulta cu tin un impresion malu di e pueblonan, nan bida nan custumber e institucionan.

ASOCIACION PA COMERCIO LIBER NA EUROPA

STRAATBURG, 5 nov - E gobierno nobo na Inglatera di e laboristanan ta den banki di acusadonan na Straatsburg en connexion cu su medidanan economico di emergencia. Despues cu na un reunion no oficial di miembronan di parlamento for di e paisnan di e asociacion Europa pa comercio liber, na inauguracion di e debat economico den e reunion consultativa di e consejo di Europa e prome oradornan inmediatamente a sali energicamente contra e politica Ingles.

MOTIBU URGENTE

UTICA, 5 nov. - Señora Potter for di e lugar Utica (New York) ayera mainta tempran a yama un emisora di radio pa informa ki ora e local di voto ta abri. E señora tabata spera cu esey lo tabata mas pronto posibel, pasobra e tabata spera un baby. Mitad di nueve señora Potter a duna luz na un jiu homber, pero prome cu esey el a logra basha su bala.



Dialuna anochi e promer presentacion di e show "Hits of Broadway" a tuma lugar den Aruba Caribbean Hotel Casino. Den un show di mas o menos un ora, e grupo cu ta forma "Hits of Broadway" a pone e publico goza inmensamente. E fotonan aki riba ta duna nos un idea di e show cu lo keda pa varios luna den Klompen Klub.

Merecido triunfo di Tropical ariba San Nicolas Jrs.

(Di nos redactor deportivo)

Victoria number cuatro e oncena di Tropical a obtene diamars anochi den Wilhelminastadion ora cu nan a supera San Nicolas Jrs cu anotacion di dos gol pa uno.

Cu e triunfo, Tropical tin awor total di ocho punto y a pasa pa e segundo puesto dos punto tras di e punteronan di R.C.A. Durante e ultimo campeonato e oncena di Tropical a obtene apenas dos triunfo den e promer rond, pero e aña aki faltando ainda dos partido pa completa nan parti di e promer rond, ya nan tin cuatro victoria. E hecho aki ta muestra claramente e adelanto cu en general e muchanan di Paradera ta haciendo.

Diferente factor ta contribuyendo na loke e muchanan di Paradera ta mostrando. Nos por menciona e bon forma den cual e portero Pupy Diaz, e baranca fuerte y dificil cu Toko Tromp ta resultando como back central, e trabao cu hopi tino di Osberio Antersijn den linea media, e semper agresivo y peligroso Simon Danies den linea delantera meskos cu e shotnan peligrosos di Benny Brete. Esakinan hunto cu e entusiasmo y deseo di superacion di e otro hungadornan ta factornan importante cu ta obligando mas respet pa e muchanan di camisa berde y oranje Nuebe minuut despues cu referi Elio Tromp a duna senjal pa i-nicia e wega, keeper Pupy Diaz di Tropical ta luci desviando un fuerte shot den skina pa corner. E proximo atake di San Nicolas Jrs ta bolbe termina cu un bon hugada di e portero tahando un fuerte shot di e chikito pero peligroso Boel Briezen. Cu su promer atake cu ta yega ta den cercania di e gol di nan contrarionan Tropical tin e exito. Tabata den di 17 minuut y ta linksbuiten Simon Da-

nies ta e homber cu ta shot aden pa e promer gol di wega. Tropical a bai dilanti 1-0. Rapidamente un otro atake ta worde forma ariba aldrechi awor, Miguel Tromp ta ricibi e bala y ta lamt'e net over di cabes di e portero Ortega cu a trata di intercepta. E bala ta cruza dilanti di gol y sali na banda. Un largo atake di San Nicolas Jrs den di 32 minuut ta resulta den e gol di empate. Ariba un shot for di alarobes keeper Diaz ta tira ult'val debolbiendo e bala. Den pia di e alero Drechi Silvio Comenencia e bala ta yega y esaki ta pone voorzet. E portero ta completamente for di posicion. Un shot den direccion di e gol ta mishi cu pia di un defensa pero ta sigi den direccion di e gol, caminda Boel Briezen ta para completamente liber y so. E hungador aki ta caba di sigura e gol mandando e bala te den net pa empata e wega na 1-1. Un otro atake di San Nicolas Jrs ta caba cu un kopbal di Nady Briezen directamente den man di e portero. Den e ultimo minuut di e promer

mitad, ora cu San Nicolas Jrs tabata den atake, e arbitro a fluit un hungada contra di nan cu a provoca discusion largo. Un hungador di San Nicolas Jrs, ta cai sinta dilanti di e bala strobando asina pa e partido por continua. Na tanto esaki como un otro hungador di San Nicolas y tambe uno di Tropical, e arbitro ta duna senjal manera pa saka nan for di wega. Pero despues di un rato, e arbitro ta permiti e wega continua sin cu ningun hungador mester bandona e terreno.

Halftime a bai aden cu e score empata na 1-1.

Danies tambe ta ta anota triunfo

Un bon forma atake di San Nicolas Jrs den di 47 minuut ta resulta hopi peligroso. For di posicion di rechtsbuiten Goeloe, cu poco promer cu half a drenta pa Eddy Gomez, ta pone voorzet. Boel Briezen ta kop bon, pero e arbitro correctamente ta fluit pa offside.

Un hugada malo di e portero di San Nicolas Jrs ta causa e gol cu ta dicidi e partido. Rechtsbuiten Tuyo Bislick di Tropical ta haci un voorzet cu e keeper Ortega ta sali busca pero ta hera e bala por completo. Linksbuiten Simon Danies ta mira e chens y rapidamente ta corta aden, domina e bala y shot den e gol bashi pa un biaha mas pone su team dilanti 2 pa 1.

Back central Jose Robles, e mihor keeper di San Nicolas Jrs., despues di esaki ta cambia di camisa cu e keeper y ta bai ocupa e puesto di keeper.


Tropical ta dominando awor lanzando atakenan continuo. E mes Danies ta bolbe haj'e so cu keeper den di 53 minuut y ta lamta e bala over di cabes di e portero, pero e bala ta pasa dilanti di gol bai out. Un shot lastra di Benny Brete ta worde bon desvia cu pia door di keeper Robles. Tuyo Bislick ta pone varios shot cu mal direccion. Tambe Brete luego ta pone shotnan cu ta lamta dimas.

Den di 73 minuut rechtsbuiten Silvio Comenencia di San Nicolas Jrs ta tarda dimas pa tuma un shot for di paden di doelgebied ora cu e tabata completamente liber pa algun seconde. E tempo cu innecesariamente el a tuma a duna chens na un defensa pa yega y strob'e. E tardamento pa haci hugada den mas ocasion tabata causa cu atakenan di San Nicolas Jrs tabata bai perdi. Otro cu tabata haci esaki tabata Goeloe.

E partido ta finalisa 2 pa 1 den favor di Tropical cu tin awor cuatro gana y un perdi. San Nicolas Jrs tin awor record di un gana y dos perdi. Awe nochi e campeonato di A-klase ta continua den Wilhelminastadion cu e partido entre Britannia y Santa Fe.

CORSOUW Y VENEZUELA A EMPATA DEN HOCKEY

CARACAS--Casi riba e ora stipula cu un hugada personal y habilisimo di e centro delantero Volker Corsouw a logra empata cu Venezuela cu anotacion di un gol den e torneo di hockey internacional riba yerba cu ayera a tuma lugar den Caracas Sport Club. E gol a worde obtene durante e ultimo minuut, despues cu e equipo local a hasi meritonan suficiente pa bai cu e victoria. E equipo venezolano sin lugar a duda a hunga mihor, particularmente durante e prome periodo, pero e bishitantenan a cerra nan defensa perfectamente cu Kus-



WEGA SHUSHI--Y.A. Titile ta worde ataca di atras y asina tambe worde stroba di manda un pase pa su compañeronan. Esaki ta e sistema cu mayoria e quarterback di New York Giants ta worde trata durante e temporada.

VIAHE PA STO DOMINGO DI ARUBA POSPONI

E viahe di un delegacion di baseball for di Aruba pa Sto. Domingo cual tabata planea pa tuma luga diahuebs awor esta majan a worde cancela pa un siman. Motibo di esaki ta un telegram cu a yega Aruba for di e director general di deportes di Sto Domingo cu ta bisa cu ta imposibel pa e siman aki e delegacion Arubano worde ricibi na Sto. Domingo.

A worde proponi pae Arubano nan viaha otro siman dia 12 cual proposicion a worde acepta door di e directiva di ABBA.

En coneccion cu esaki tambe e weganan di volleyball anuncia pa e fin di siman venidero ta keda posponi. Esakinan tabata tres encuentro entre e seleccion masculino di volleyball di Aruba contra di un seleccion procedente for di Sto. Domingo.

No ta conoci ainda cu e seleccion di volleyball Dominicano lo bin otro siman pero si ta worde acepta den e circulongan concierente cu tahenter e programa esta weganan di volleyball na Aruba y weganan di baseball na Sto. Domingo a worde posponi pa un siman.

Hutchinson ta hopi grave

BRADENTON, FLORIDA--E ex-manager di Rojos di Cincinnati Fred Hutchinson, quende mestera laga su cargo di manager pa motibu di ta sufriendo di Cancer, ta grave manera a worde informa di un hospital ayera. Ei a worde interna antayera despues cu su estado a bira peor. Un vocero di e hospital a bisa cu no tin variacion den su estado, cu segun e ta afirma no ta bon.

E ex-pitcher segun a worde indica ta consiente pero apenas por contesta preguntanan. Su dokter J.H. Beam a informa cu Hutchinson lo keda den hospital indefinidamente. Aña pasá el a bira malu di Cancer den pechu.

● E ultimo verano pasa a muri na desgracianan den serrunan Suisa 95 persona y algun cilen a keda herida. E cantidad di desgracianan mortal tados mas gran di di anja pasa. Como causa principal dje temporada mortal aki nan ta duna e calor insoportable y e continuo aumento di Alpinistanan.



SECTOR NOBO -- Jim Brown ta un famoso fullback di football o rugby, manera nan sa yama e deporte aki, na Merca, y el a tackle un carrera nobo -- actuacion cinematografico. Den e pelicula nobo Rio Conchos e ta hunga papel di un soldá di caballería qu ta corre door di Oeste pa caba cu un conspiracion di soldánan Confederado qu kier bolu gobierno. Richard Boone y Stuart Whitman ta hunga huntu cune den e pelicula aki.

Frei ta acepta encargo di president na Chili

SANTIAGO, 5 nov. - Eduardo Frei Montalva a hura como e prome president democratico di Chile. E president saliente, Jorge Alessandri Rodriguez a entrega e condecoracionnan di su autoridad - un sierp y un staf -. President Frei a hura cu e lo respeta constitucion y leyman. Despues el a laga su ministernan hura.

Despues di aceptacion di su puesto, president Eduardo Frei di Chili den su prome discurso den publico a elogia e ehemplo

Couve de Murville: "midi ta jena"

PARIS, 5 nov. - Awor si a caba asina e minister Frances di exterior, Maurice Couve de Murville a bisa den un splicacion tocante politica Europea den asamblea nacional. Francia no ta dispuesto pa cambia e puntonan di bista cu a worde tumauntu solamente pasobra gobierno federal di Alemania no kier tuma su responsabilidad riba dje.

E minister a agrega na esey, cu ningun hende mester ganya su mes cu Francia lo no ta decidido. Ora cu interesnan fundamental di e pais ta envolvi, mester bisa claramente cu awor si ta basta.

E comunicado Europeo por worde completa henteramente solamente si e deseanan Frances worde realiza den e proximo periodo di esero.

Entre tanto Francia ta rechaza na eheucion accelera di e mercado comun, cada medida cu no ta provisiona den e acuerdo.

cu paisnan Europeo a duna. El a papia dilanti di un multitud di 30.000 hende.

Nos pais, asina el a bisa, por sinja algun di e paisnan di EEG "door di e milager di nan recuperacion economica asombrante despues di guerra y nan union creciente. Frei a saluda e poblacion tambe di e asina yama mundu socialista. Lo ta un estupidez di negligencia esey, aunque cu nos ta separa di nan door di un diferencia grandi den opinionnan ideologica.

President Frei a splica, cu e lo trata, pa ehecuta un programa economico y social cu lo kibra cu e fije di e actual orden social, cu no ta contesta na e exigencianan di tempu moderno.



Na ocasion di celebramentu di 20 aña di existencia di departamentu femenina di Marina den e establecimiento grandi di marina na Amsterdam nan a tene un reunimento, na cual ocasion tabata mas di 900 ex-Marva's. Lo tabata basta papiamentu.

Reunion di paisnan cu ta exporta petroleo

GINEBRA, 5 nov. - E organizacion di paisnan cu ta exporta petroleo a finalisa un reunion di 4 dia sin di bisa nada tocante e punto di bista referiendo e exigencianan pa mas royaltynan, cu

e companianan petrolera grandi na mediano oriente meste apaga. Den un comunicado di dos frase a keda solamente anuncia, cu ne reunion nan a llega riba un acuerdo tocante un manera di actuacion, cual nan lo finalisa pronto. Akinan a keda agrega, cu nan a haci entrecambianan di idea tocante e agenda di e reunion general di e organizacion di paisnan cu ta exporta petroleo, cu lo wordu tene dia 23 di november proximo na Djakarta.

Observadornan ta kere, cu e deliberacionnan entre gruponan separa di deliberacion y companianan petrolera lo continua y cu meste spera un actuacion defini-

tivo enbista dje royaltynan te despues dje conferencia di Djakarta.

Ne reunion di e ministernan tabatin un representante di Venezuela. Indonesia no tabata representata.

PROPOSICIONNAN DI ERHARD

BONN, 5 Nov. - Canciller Erhard a participa cu el a manda su proposicionnan tocante un union Europea na e cinco partnernan di Alemania occidental den e mercado comun di Europeo.

E canceller cu a haci e participacion aki durante un reunion di e fraccion parlamentaria di su partido, cristian democraat, a bisa cu un realisacion completa di integracion Europea ainda no ta manejable.

PEOR OF MAS PEOR

HAVANA, 5 November - E corant revolucion cu ta worde publica na Havana cu segun e ta bisa ta duna su lectornan e hechonan esencial di e eleccion presidencial di Merca a declara cu e seleccion di e votadornan lo bai entre peor of mas peor. Declaracion cu Fidel Castro a yega di bisa ta worde ripiti den mesun articulo y e corant ta bisa cu president Johnson ta esun "Peor" y Barry Goldwater esun "Mas Peor".

Contradiccion riba declaracion di Richard Nixon

WASHINGTON, 5 nov. - Un boso- ro dje ministerio Mericano di defensa dje pais a declara cu acento, cu e declaracion dunadomingo anochi pasa pa ex vice president Richard Nixon den un discurso di eleccion pa sostene e candidatura di Goldwater, segun cual e ministerio a hanja avisos dos dia prome cu e accion contra Bien Hoa, cu un ataque ta riba man, ta contra e hechonan. Nos no por a hanja ningun prueba di exactitud pe acusacionnan expresa pa Nixon, segun e boso- ro di "Pentagon".

PARIS, 5 nov. - Ex-canciller Adenauer di Alemania Occidental lo combersa dialuna cu e president Frances, De Gaulle den Elysee na Paris. Adenauer ta na Paris en conexion cu su admision den academia di ciencia moral y politica.

PARTICIPACION DI CARSTENS RIBA ALEMANIA Y ISRAEL

BONN, 5 nov. - Gobierno di Alemania occidental no tin intencion di cuminsa relacionnan diplomatica cu Israel.

Asina secretario di estado Carstens di exterior a participa na Bonn.

Un delegado cristian democraat a puntra gobierno federal di Alemania, si di acuerdo cu opinion di hopi Alemanan, e no ta di opinion cu e relacionnan diplomatica cu Israel ta deseable especialmente en conexion cu e obligacionnan extraordinario moral di pueblo Aleman.

Carstens a declara, cu ademascu di e argumento aki mester considera un serie di otro argumentonan pasobra ta trata aki di un asunto masha complica, cu e kien atende en extenso den e comision di exterior di parlamento, pero no den parlamento si.

DJAKARTA, 5 nov. - Un corte di justicia na Tarakan na Oost Borneo, a condena 24 Malasian pa strafnan den prison di cinco te 10 anja, segun Antara a anuncia. Nan ta acusa di ta planea actividad secreto na Indonesia.



Den e prome siman di e luna aki nan tabata spera di tuma e prome pacientnan den e ala oeste (mira flecha) di e hospital academico di e universidad libre cual nan ta trahando na Amsterdam, Riba e foto mas abao un di e salanan pa hende malo.

DELEGACION COMUNISTA DI ITALIA A REGRESA

SCHIPHOL, 5 nov. - Contrali di e lider Danes Knud Jespersen, cu a participa na su regreso na Kopenhagen, cu Chroestsjev lo ta gravemente enfermo, e delegacion Italiano consistiendo di tres miembro a laga sa na Schiphol, cu no por a ripara nada di esey na Moskou. Di transito for di Moscu pa Roma e delegacion a pasa un ora na e aeropuerto.

E tres Italianonan, miembro- nan di directiva principal di nan partido y a la vez miembro di parlamento Italiano, a desmenti tambe cu e viahe di un siman pa Moscu a worde haci especialmente pa combersa na Moscu cu elidernan supremo sovietico na Moscu.

Nan a palabra pa haci e bishita aki for di dia cu e actual premier, Breznev na fin di augustus a asisti na entierro di Togliatti. E Italianonan mes no a mira Chroestjev na Moscu.

Na Schiphol nana agrega cu por cierto nan no ta considera esaki un punto di interes esencial. E critica cu a worde duna na Rusia riba e lider cu tabata mas cu cla y segun nan no tabatin ningun utilidad di combersa cu un persona cu e mes ya no por ehecuta ningun of practicamente ningun influencia mas.

Cu ainda Chroestjev no tabata

completamente elimina, por worde conclui for di e hecho cu segun e delegacion Italiana ainda e ta forma parti di e comite central di partido comunista.

AGENDA

ARUBAANSE COURANT

diariamente cu excepcion di diadomingo
subscription f. 3.25 pa luna
edicion los 20 ct.
edita pa:
N.V. ARUBAANSE DRUKKERIJ
- en UITGEVERS - en PUBLI-
CITEITS MLJ.

imprimi na:

N.V. DRUKKERIJ
"DE STAD"

Telefoon 1116 Directiva y redac-
cion, 2116 Anuncio y subscrip-
cion.

Director hoofdredacteur:
D. Wolff.

POR CUMPRAR ARUBAANSE
COURANT NA E SIGUIENTE
LUGARNAN:

NA ORANJESTAD:
BOEKHANDEL MARISKA.
PIET SODA FOUNTAIN.
REFRESQUERIA INGRID.

NA SAN NICOLAS
NICOLAAS STORE.
UNION STORE.

BOTICANAN DI WARDA

Oranjestad-Noord, Botica Aruba
Tel: 1080-1081 - San Nicolas,
Botica San Lucas, Tel: 5119

CINE

De Veer: 8.30 p.m. "N Verruk-
kelijke Idioten" 14j
Rialto: 8.00 p.m. "De Drie Mus-
ketiers" 14j
Principal: 8.00 p.m. "Guns in the
Afternoon" 18j

Aurora: 8.00 p.m. "O Sole Mio"
all
Savaneta: 8.00 p.m. "Si Yo Fuera
Millonario" 18j

TELEARUBA

05.30 Children Hour
06.00 Industry On Parade
06.15 Count of Monte Cristo
06.45 Papiamento Newscast
07.00 Sea Hunt
07.30 Sportnews
07.45 Broadway goes Latin
08.15 Man with the Camera.
08.45 English Newscast Live &
UPI Newsfilms
09.00 Ben Casey
10.00 Roaring 20 ies
11.00 Sign Off

RADIO KELKBOOM

07.00 Opening
07.02 Bon dia cu alegria (Instr)
07.30 Noticia Internacional
(Amstel)
07.45 Musica Matutino
08.00 Seleccion Musical cu dis-
conan Latino Americano.
08.30 Cumpleanos Feliz.
09.00 Noticia Social
09.15 Musica Varia
09.30 Melodias Instrumental
10.00 Noticia Internacional
10.05 Ritmos Latinos
10.30 Programa di N.Habibe Jr
11.00 Noticia Internacional
11.05 Musica Norte-Americana
11.15 Musica Antillana
11.30 Musica Varia
12.15 Noticia Internacional
(Schlitz)
12.30 Musica Norte-Americana
12.45 Noticia Lokaal (Viana)
01.00 Musica Varia
01.30 Mei ora cu Boleros.
02.00 Novela (Ripiticion)
02.30 Peticiones
03.15 Ritmos di Caribe
03.45 La Macorisana & Interna-
cional Supermarket.
04.00 Musica cu sabor Azteca
04.30 Noticia Lokaal (Heineken)
04.45 Cocktail Musical
05.00 Danzones Cubanos
05.15 Musica Varia
06.00 Noticia Deportivo (Gillete)
06.15 Musica Varia
06.30 Musica para la Cena
07.00 Noticia Internacional na
Papiamento
07.15 Musica Aleman
07.45 Musica Norte-Americana
(Instrumental)
08.15 Novela (Golgate)
08.45 Musica Varia
09.00 C.C.A.
10.00 Sluiting

PORTUGAL EXCLUI FOR REUNIONAN DI ENSEJANZA

PARIS, 5 nov. - Den e reunion
general di Unesco (e organisa-
cion pa ensenanza, ciencia y
cultura di nacionnan) nan a acep-
ta un resolucion di cual Portu-
gal lo worde exclui di e futuro
reunionnan anual di ensenanza.
E resolucion a worde entrega
door di Kameroen y Polonia y
tabata kier evita un ripiticion
di e incidentenan di juli pasa
na Ginebra, ora cu e delegasion-
nan Africano a bandona sala di
reunion despues cu Portugal a
ninga di retira su delegasion.

Francia, Merca, Inglatera y
Hapon a vota contra e resolu-
cion bisando, cu Nacionnan Uni-
mes meste dicidi tocante asuntu-
nan politico.

RADIO ANTILLANA

A.M.
05.30 Manianita Arubana
05.45 Bai Trabao den Compania
di Bo Companiero Con-
stante Radio Antillana.
06.10 Noticia na Ingles
06.30 Noticia na Papiamento
07.10 Noticia na Ingles
07.30 Noticia na Papiamento
07.45 Programa di Jule Nieuw
08.00 Espacio pa un ritmo crio-
llo y un poesia
08.10 Variedad Musical
08.30 Musica y Consejo dedica na
nos anigonan automobilista
09.00 Noticia na Papiamento
09.15 Programa dedica na tur A-
manan di Cas
09.30 Mejico ta canta pa tur nos
amanan di cas
10.10 Noticia na Ingles
10.20 Programa di La Macorisana
e Internacional super-
markets
10.40 Momento di Ritmo
11.00 Musica di Venezuela
11.15 Regalo Musical
P.M.
12.00 Melodias Antillanas
12.05 Noticia na Ingles
12.20 Noticia na Papiamento
12.30 Noticia na Ingles
12.45 Capsulas En Orbitas Al-
rededor di Mundo Depor-
tivo.
01.00 Noticia na Papiamento
01.15 Fiesta Calypso
02.00 Lo De Ayer
02.30 Boleros Romanticos
03.00 North-American Music
04.00 La Esperanza y su Obsequio
Musical
04.30 Complaciendo Peticiones
05.00 Noticia na Papiamento
05.15 Calypsoorama
05.45 Calendario Antillana
06.00 Ora Infantil
06.15 Musica Norte Americano
06.30 Noticia na Ingles
06.45 Variacion Musical
07.00 Felicitaciones y Complaci-
ciendo Peticiones
08.00 Programa dedica na tur nos
patientnan den Lago y San
Pedro Hospital
08.15 Cont. di Felicitaciones y
Complaciendo peticiones.
08.30 Saludos Reddy Kilowatt.
(Dial. Diaraz. Diabierna-
Diasabra).
09.00 Musica Latina
09.15 Programa dedica na nos a-
migonan Polis.
09.30 Anioranzas
10.30 Melodias y Romance Musical
12.00 Clausura

DESGRACIA DI TREIN NA FRANCIA

PARIS, 5 nov. - Na Acheres
banda di Paris un trein di pasa-
hero a dal den un wagen di mer-
cancias. Tabatin cuater morto
y seis herido.

RADIO VICTORIA

A.M.
06.00 Apertura, Wilhelmus The
Lord's Prayer, Musica
06.15 E Bijbel Habri
06.30 Ultimas Noticias
06.45 Ecos del Cielo
07.15 Noticia Espanol
07.25 Llamada A La Conciencia
07.30 World News
07.45 Thought For The Day
07.50 Bo Musica Favorito
08.15 Joyas Del Hogar
08.30 Ultimas Noticias
08.45 Musica di Banda
09.00 Gymnasia
09.15 El Sendero de Vida
09.30 Morning Melodies
10.00 World News
10.10 The Bible For You
10.15 Through The Bible
10.45 Thoughts On Home
11.00 Chapel Of The Air
11.15 Delicados Pastos
11.30 Melodias di Merdia .
P.M.
12.00 Ultimas Noticias
12.15 Musica Sagrada
12.30 World News
12.45 Quiet Time
01.00 Radio Concert Hall
02.00 Reading Room
02.15 Songs That Touch The Heart
02.30 Quiet Hour
02.45 Hymntime
03.00 Peticiones
03.15 Ensueños Musicales
03.45 Prosa y Poesia
04.15 Ultimas Noticias
04.30 Listening Post
04.45 Fun With Music
05.00 Melodias del Alma
05.15 Palabranan di Bida
05.30 Noticias Espanol
05.45 El Pan De Vida
06.00 Nederlands Nieuws
06.15 De Groene Weide
06.30 World News
06.45 Sacred Songs
07.00 Musical Interlude
07.15 Off The Record
07.30 Haven Of Rest
08.00 Musical Gems
08.30 Back To The Bible
09.00 Klassieke Muziek
10.00 Sign Off.

CUMPLEANJOS

Awe dia 5 di Nov ta cumpli anja
Rosa Wouters, felicitacion ta bini
di su rumanan, sobrinanan, 4 iha-
nan, amiganan Diana Maduro, Vio-
leta Lam, Lika y Nena Boekhoudt
especialmente di su amigo Ronald
Wong.

A cumpli 57 anja Senor Agustin
Giel, felicitaciones ta bini di su
esposa Tibida, junan, nietonan
Leo, Felix, Nelson, David, Edwin
Rudolf, Humphrey, nietonan Gladys,
Iris, mama Istela, rumanan
Tirindia, Leonia, Maria, Jonca,
especialmente di su suegra Tolin
Ridderstaat, ihanan y demas fa-
miliaresnan.



E señorita riba e foto aqui no a
gana ningun eleccion pa Senado
ni Congreso di Estados Unidos,
aunque lo e por a conta cu nos
voto si e tabata candidata pa un
di e puestonan aqui.

Sin embargo Linda Vaughn di 18
año di edad tambe a sali victor-
iosa for di un eleccion y pa tal
motibu lo ta representante di su
estado Alabama na e Miss Sun
Fun Pageant cu lo tumu lugar na
Myrtle Beach na estado di Caro-
lina del Sur.

Señorita Linda Vaughn ta estudiante
na Universidad di Auburn y ta den
e promer gardo di mencionado
universidad.

POSTSLUITINGEN

Anguilla 11.30; Antigua 11.30; Ar-
gentina 15.30; Bolivia 15.30; Bo-
naire 9.30; Brazilie 15.30;
Canada (11.30-15.30); Chile 15.30;
Colombia 15.30; Costa Rica 15.30;
Cuba 15.30; Curacao (9.30-15.30)
Ecuador 15.30; El Salvador 15.30
Europa (1) (9.30-15.30); Guadelou-
pe 11.30; Guatemala 15.30; Haiti
11.30; Honduras 15.30; Jamaica
15.30; Martinique 11.30; Mexico
15.30; Montserrat 11.30; Miami
Fla (2) 15.30; New York (11.30-
15.30); Nevis 15.30; Nicaragua
15.30; Panama 15.30; Paraguay 15.
30; Peru 15.30; Puerto Rico (3)
11.30; Rep Dominicana 11.30; St.
Kitts 15.30; St. Maarten (4) 15.30;
Uruguay 15.30; Venezuela 9.30.

"Anhelos di dos Corazon"

Novela

No. 6

"Mi mester admiti, cu bo ta un
muchu muhe honesto!" E Conde a
cuminza hari poco malicioso,
mientras cute ainda Andrea no por
compronde pakiko el a hacie e
pregunta ey. Ta con e por sa,
cu placia tabata e tragedia den su
bida? Su señora a casa cu ne djies
pasobra e ta un homber rico, y
ta placa mes a danja e muhe. Ta
pa fia di placa nan a pleita e ul-
timo anochi aya....Ta basta, e no
kier pensa mas riba esey. El a
priminti su mes, cu e no tapensa
mas riba pasado. E presencia di e
maestra elegante y joven aki ta
pone sentimentonan bolbe renace,
cu ta pone su tranquilidad den pe-
tigger. E mucha muhe aki ta jena
den frescura y seguridad, cu ta
dune e deseo pa bolbe bek na rea-
lidad di bida. Esta un asuntu mi-
serable! E no tabata un hende

desprecia? Un hende cu ya no ta
conta mas pa hende bibo? No ta
destino mes a mare na e rolstoel
aki? E ta drey mira Andrea y ta
spanta, pasobra e sa, cu e saca-
ba kiko Andrea kier meen ora
e pone su cara di tal manera.
Oranan largo, durante nochinan
largo, e ta sinta pensa riba e mu-
cha muhe aki. Andrea ta sonrei
cu ne. Di repente el a recorda
un cuenta y mesora el a cumin-
za conte. "Dia cu mi tabata un
estudiante ainda, nos pueblecito a
keda tur conmovi un dia. Un mul-
timiljonario a bin pasa su vaca-
cion pa algun dia den e pueblo na
un finca. Y tur hende na e pue-
blo kier sa, con un multimiljo-
nario ta biba, y con e ta bisti.
E pover guardia a haye yen di
trabao, pasobra e mester pone or-
den. Y e alcalde tabata tin mie-

do, cu kizas e multimiljonario
lo fada di tanto curiosidad y cu
door di esey e por bai mas lihe
di eynan. Ami a dicidi pa no preo-
cupami mucho cu e desorden ey,
y mi no tabata tin mucho gana pa
bay mira e homber. Pero despues
nan a manda jamami, pa mi bay
pidi e multimiljonario un donacion
pa e hospital nobo. E cos ta,
cu ami tabata e unico hende den
e pueblo cu por papi Ingles bas-
ta bon. Pero como cu ami tambe
tabata curioso, e encargo aki cay
na mi smaak. Mi a bisti mi ski y
full-speed mi a baha bay na e
frontera di e pueblo. Na caminda
mi a boks cu un homber haltu
y delega, cu tabata corre manera
un hende cu ta kere cu henter
mundo ta di dje. Mi a grite poco
palabra desagradable, tambe mi a
bise cu e mester bay sosega den
un lugar pa hende loco y un can-
tidad di cos mas. Bo mes ima-
ginabo con hopi mi a spanta,
despues cu mi a haya sa, cu e
homber ey ta e tal miljonario.
Naturalmente cu mi no a haya
ningun sorto donacion pa e hos-
pital." Andrea ta sonrei y ta a-
grega: "Asina ta pasa ora bo
lubida cu bo ta papiando cu un
hende rico." El a ripara cu e
Conde tambe su cara a bira mas
alegre. Su cuenta a kita e pensa-
mentonan tristo un rato fol dje.
Casi Andrea no por kita su bis-
ta fe cara di e homber, cu awor
ta muestra henteramente otro,

maske cu e sa, cu e Conde no ta
gusta pa nan keda mire asina. Di
repente nan wowonan ta topa cu
otro. Andrea su curazon ta cumin-
za bati mas duro. Ta ki sorto
di sentimento stranjo esaki ta?
"Pakiko bo a bin serca mi den e
toren, Srta. Pichler? Bo tambe
a bin pidi un donacion pa e hos-
pital?" "Mi Dios", Cu un sonri-
sa riba su cara Andrea a hiza su
man den laira, pero mesora el a
keda keto, pasobra e a tende e
sirviente ta subiendi ariba. E no
sa kiko pa haci, pero den esey
el a corre bay sconde tras di
un cortina. "Trece desayuna pa
mi Franz, pero trece suficiente
pa dos hende". "Si....sigur no!"
E pover homber a spanta. E por
a sospecha cu tin algo ta pasan-
do ey den. E sa masha bon, cu
ta e so por dreña eyden, y ningun
otro hende mas. Dios sa, si Con-
de Rainier tin contacto cu e
spiritonan? Andrea por tende su
pasonan pura riba e muelle. Cu
awor nias cu nunca tur hende na
e castillo lo bay pensa cu e
Conde su cabes no ta bon. Un
poco vacilante el a sali bek fo
su escondite. Ta duel mi masha
hopi, cu mi no a paga tino cu e
awa a subi, y pesey mi mester
molestiabo asina hopi cu mpre-
sencia." Un poco timido el a keda
mira e Conde, sin por sospecha
con bunita e ta muestra. E hom-
ber no a contesta. Cu un move-
sion di su man el a invite pa

bin sinta desayuna junto cu ne.
Andrea no sa, cuanto tempo pasa
e homber aki a jega di desayuna
cu un otro hende na mesa. Pesey
e no por sospecha loke e homber
ta sinti awor. Andrea tin suman-
nan poni bou su cachete y ta mi-
ra e laman su dilanti. "Ta stran-
jo, pero ningun caminda, ni ri-
ba e barancanan di mas haltu,
mi a sinti e nificacion di e pala-
branan. "Sin limite y eternidad"
asina bon manera akinan." "Bo
kier meen cu e lugar melanco-
lico aki ta agradabo, mientras
cu cada bishitante ta sinti mie-
do di dje?" "Ay si, mi ta guste
masha hopi. E prome dianan cu
mi tabata akinan mi tabata sinti
poco solitario pero ya awor ora
cu mi pensa riba e dia cu mi
mester bay bek, mi ta sinti mi
tristu." "Pakiko bo no ta keda a-
kinan anto?" Ora cu Conde Elms-
born pronuncia e palabranan ey,
irrita el a morde riba su lipnan.
Ta kiko ta pasando cu ne, e ta
serca di perde su cabes? Andrea
ta hari. "Mi a bisabo caba, cu
mi no ta independiente." "Y si bo
tabata independiente lo bo
no keda akinan. E ora lo bo a si-
gui bo viaha pa California of un
otro lugar parecido, caminda tur
e hendenan rico y independiente
ta keda disfrutando di nan bida".
Como cu Andrea no a contesta
mesora, e Conde a hiza su cara
mire.

E ta sigui....

RIP KIRBY

pa cortesia di:


JAN BODEGOM & CO (ARUBA) N.V.

Agente exclusivo di

FRIESCHE VLAG

lechi evaporado y lechi en polvo

MAXWELL HOUSE KOFFIE.




CISCO KID

pa cortesia di:

ARUBA BOTTLING COMPANY

NESBITTS den varios sabor, e refresconan mas pidi y mas gusta na Aruba.



BUCHI ROBEZ



PEPITA

with compliments of

OFICINA MARITIMA DE ARUBA

DOCUMENTATION & TRANSPORTATION

FOR INCOMING, LOCAL & OUTGOING CARGOES BY AIR, SEA AND LAND




DICK TRACY

presenta pa cortesia di:

VICTORIA BOTTLING COMPANY

PEPSI-COLA---SEVEN UP---GRAPETTE-KIST--VICTORIA SODA WATER---

BUFFALO ROCK--GINGER ALE---



HOROSCOPO PERSONAL

ARIES-21 di maart-20 di april-Bo por hasi cualquier broma pero no bai demasiado leeu cu e cosnan.

TAURO-21 di april-21 di mei-Tauro mester cana cu masha cuidao y percura di ta prudente den tur cos cu e hasi. Evita pleitamentu.

GEMINIS-22 di mei-21 di juni-E prome cu yega su meta ta Geminis cu por domina su temperamentu.

CANCER-22 di juni-23 di juli-Esaki no ta un di e dianan pa bo proba otro personan cu no conocebo quen bo ta.

LEO-24 di juli-23 di augustus-E forma sentimental quizas lo produci mas di loke bo a anticipa. Inverti cualquier ganancia cu bo tin rapida- y inteligente-mente.

VIRGO-24 di augustus-23 di september-Esaki ta un dia di mal calidad. No mescla bo mes den asuntunan cu nunca anterior bo no a trata.

LIBRA-24 di september-23 di october-Paga tur e debenan cu bo por. Pensa den e ventanan di consolidacion; consulta cu un experto, pa obtene bon conseho-nan.

ESCORPION-24 di october-22 di november-Hasi un esfuerzo pa descubri e bon cualidadnan di bo enemigonan. Nan ta amigu di un persona y no por ta completa-mente malu.

SAGITARIO-23 di november-22 di december-Reconoce e meritonan di bo competidornan. Quizas bo por uni bo forsan cu mentenan cu por hasi un gran servicio.

CAPRICORNIO-23 di december-20 di januari-Bo amiguan ta ofreciendo bo servicionan na un manera masha sincero. Acepta e-sakinan cu gusto.

ACUARIO-21 di januari-19 di fe-bruari-Esaki ta e mihor epoca pa bo hasi algu tocante bo situacion economica. Trata cu cual-quier persona cu por yudabo.

PISCIS-20 di februari-20 di ma-art-Cosnan no ta sosode riba nan mes. Descubri e fuente di nan dificultadnan y lo bo obtene e solucion di bo problemanan.

Protesta contra microfonnan

WASHINGTON, 5 nov.-- Merca a protesta cerca e ministerio Polaco de exterior contra presencia di microfonnan scondi den embajada Mericana na Varsovia. E protesta a worde entrega oral-mente door di embahador Mericano John Cabot. Den e murayan di e edificio di embajada nan a descubri un red di aparatonan receptor. Esakinan tabata di mesun tipo cu esnan cu nan a haya seis luna pasa den murayan di embajada Mericana na Moscu.

E microfonnan mester a worde instala na construcion di e edificio, mas o menos dos aña prome cu e representacion Mericana a ocupa e edificio na aña 1963. Pa deliberacionnan tocante asuntunan secreto e Mericanonan tabata usa un cuarto sigura. E autoridatnan Polaco a declara cu nan no tabata na altura di presencia di aparatonan receptor na embajada Mericano.

DALMENTU NA MONTEVIDEO

MONTEVIDEO, 5 Nov.-Seis persona a muri y 15 a worde herida ora cu un bus a dal den barri-erionan na rand di Montevideo cu un truck. Asina un noticia for di Montevideo ta bisa.